



Berit Margrethe Våge
Håtuftvegen 191
5919 Frekhaug

Referanser:
Dykkar:
Vår: 23/512 - 23/12793

Saksbehandlar:
Marie Victoria Rekdal Skogrand
marie.skogrand@alver.kommune.no

Dato:
15.02.2023

Vedtak om tilskot til drift med taubane - Gbnr 330/3 Hestdal

Utval for areal, plan og miljø
DS 233/23

VEDTAK:

Med heimel i forskrift om nærings- og miljøtiltak i skogbruket (NMSK-forskrifta).

Alver kommune løyver inntil 720 000 kr i tilskot til den omsøkte drifta på følgende vilkår:

- Det er grunneigar sitt ansvar å sørge for at drifta ikkje fører til forureining. Arealet sin plassering i forhold til drikkevasskjelde tilseier ein lavare toleranse for forureining enn i andre område.
- Arbeidet skal før oppstart varslast til Alver kommune med oppstartsdato slik at driftsavdelinga kan følgje med på utviklinga i elvane som leder til Storavatn.
- Dersom det vert nedbør og avrenning av forureina masser og jord til Storavatn under arbeidet vil Alver kommune kunne stanse arbeidet med bakgrunn i Drikkevannsforskriften §4.
- Arbeidet må utførast i periodar med tørt vær for å redusere risiko for avrenning til drikkevasskjelda.
- Det må utarbeidast ein plan for tiltak for å hindre avrenning av jord og lausmasser samt diesel og olje til bekker/elver som fører til Storavatnet. Det må og vurderast å leggja ut lenser ved utløp av elv til Storavatnet som eit forebyggjande tiltak.
- Etter endt hogst må terrenget settast i stand etter hogst, slik at ein i størst mogleg grad hindrer avrenning mot bekker og elver.
- Kvist og anna hogstavfall skal handterast på ein måte som minimerer risiko for forureining. Når hogsten er avslutta skal det ikkje ligge att hogstavfall på dyrka mark eller over grøfter eller bekker.
- Eventuelle anleggsvegar må leggjast på ris og skurtømmer med god klaring til elvar og bekefar og plasserast slik at det ikkje vert mykje jord som vert kjørt laus og renn ned i drikkevasskjelda.
- Føre-var tiltak nedfelt i Norsk PEFC skogstandard skal følgast ved drift.
- Skogeigar skal sørge for at alderskravet er oppfylt ved avverking.

Grunngjevinga går fram av saksutgreiinga.

Saka gjeld

Berit Margrethe Våge søkte 16.01.2023 om tilskot på 660 000 NOK til avverking ved bruk av tung taubane på GBNR 330/3 Hestdal. Drifta er estimert til å avverke om lag 3000 m³ på eit areal på totalt 102 daa. Arealet er ei lisode i Hestdal, om lag 400 meter frå Hestdalsvatnet, som er ein sidearm til Storavatnet. Storavatnet er i dag drikkevasskjelde for heile Holsnøy og Flatøy og kan og brukast som kjelde for området Knarvik og Alversund dersom det vert behov for dette.

Saka vart sendt på høyring til Alver kommune ved avdeling Samferdsel, veg-, vatn og avlaup forvaltning 26.01.2023, og avdelinga har gjeve ei uttale til saka 08.02.2023.

Vurdering:

Feltet ligg innanfor nedslagsfeltet til Soravatnet. I området ligg det fleire elver/bekkefar som leder vatn ned til Storavatnet og ved mykje nedbør er det periodevis mykje vatn som renn igjennom området og ned i drikkevasskjelda. Alver kommune vurderer at plasseringa i forhold til drikkevasskjelda tilseier at det må takast særskilte omsyn for å redusere risiko for forureining. Med utgangspunkt i uttale frå avdeling samferdsel, veg- vatn og avlaup forvaltning har landbruksavdelinga sett ein rekke vilkår for å redusere risikoen for avrenning frå drifta og forureining av drikkevasskjelda. Kommunen kan likevel ikkje gje nokon garanti for at desse vilkåra er tilstrekkeleg til å hindre forureining. Det er skogeigar sitt ansvar at alle tiltak i skogen blir gjennomført i samsvar med gjeldande lover og forskrifter, jf. Skogbrukslova §4. Det er følgeleg også skogeigar sitt ansvar at drifta ikkje fører til forureining av kommunen sin drikkevasskjelde, jf drikkevannsforskriften §4:

«Det er forbudt å forurense drikkevann. Forbudet omfatter alle aktiviteter, fra vanntilsigsområdet til tappepunktene, som medfører fare for at drikkevannet blir forurenset. (...) I vanntilsigsområdene kan landbruksaktivitet foregå dersom det ikke forurenser drikkevannet eller medfører brudd på beskyttelsestiltak etter § 12 eller restriksjoner etter § 26.»

Ut frå terrenget på staden vert taubanedrift vurdert som eit godt alternativ for avverking av dette feltet. Taubanedrift gjev mindre belastning på jordsmonn og redusert fare for erosjon samanlikna med tradisjonell hogst.

Tilskot til drift i vanskeleg terreng skal berre gjevast når drifta blir gjennomført i hogstmoden skog og på ein slik måte at det blir tatt omsyn til skogen sine funksjonar med omsyn til biologisk mangfald, landskapsverdiar, kulturminneverdiar og friluftsliv. Tilskot kan berre gjevast der det er gjennomført registrering av miljøkvalitetar (MiS) i området. I områder der det ikkje er gjort ordinære miljøregistreringar, skal det settast krav om gjennomføring av dei føre-var-tiltak som er nedfelt i Levende Skogs standarder/ Norsk PEFC skogstandard, jf. NMSK-forskrifta §7.

Lågaste alder for å motta tilskot:

Bonitet	Lågaste totalalder (år)	Tillegg til alder målt i brysthøgde
G26 og bedre	55	+10
G23	60	+12
G20	70	+13
G17	80	+14
G14	90	+16

Andre avgrensingar

Det kan berre utbetalast tilskot når drifta blir gjennomført utan særleg skade på spesielle miljøverdiar i området.

Det skal ikkje gjevast tilskot:

- dersom skogsdrifta kan motvirke utbygging av eit rasjonelt vegnett innan eit naturleg avgrensa driftsområde
- til område som skal brukast til andre formål enn landbruksproduksjon.

Relevante databasar som kilden.nibio og naturbase har vorte sjekka for MIS registreringar og andre registreringar av raudlista artar, kulturminne, kulturlandskap, friluftsliv etc., men det er ingenting registrert på eigendommen. Etersom det ikkje er utført MIS registrering vert det sett som eit vilkår for å motta tilskot at føre-var tiltak frå Norsk PEFC skogstandard skal følgjast, Jf NMSK-forskrifta §7.

Tiltakshavar har sendt inn oppdaterte data frå skogbruksplan (fototakst), som syner at bestandet ligg på ein G26 bonitet og at alderen er anslått til 60 år. Tiltakshavar har og sendt inn dokumentasjon i form av boreprøver som syner ein alder på 61-69 år. Dette tilseier at alderskravet er oppfylt. Det vert likevel sett som vilkår at skogeigar og entreprenør sørger for at alderskravet er oppfylt ved avverking.

Det er søkt om tilskot på 220 kr/ m³. Etter tilråding frå Statsforvaltaren i Vestland har Alver kommune auka satsen til 240 kr/ m³ i denne konkrete saka.

Utbetaling av tilskot

Løyvd tilskot blir utbetalt ved innsending av utbetalingsanmodning med dokumentasjon på kvantum.

Tilskotet er 240,- NOK pr m³ av virke som vert registrert i virkesdatabasen. Minste beløp for utbetaling er kr 2.000. Ved avslutta drift kan 85 % av omsøkt beløp utbetalast med bakgrunn i produksjonsfil frå hogstmaskin.

Regelverk

Lov om forvaltning av naturens mangfold (naturmangfoldloven).

Forskrift om tilskudd til nærings- og miljøtiltak i skogbruket

Mynde

Saka er handsama og avgjort administrativt i medhald av delegert mynde, jf. kommunelova § 23 nr. 4 og gjeldande delegeringsreglement.

Klage

Vedtaket er eit enkeltvedtak etter reglane i lov om offentlig forvaltning (fvl). Vedtaket kan klagast på til kommunen, jf. fvl. §§ 28-36. Klagefristen er 3 veker, jf. fvl § 29 (1). Det er nok at klagen er postlagt innan fristen går ut. Klagen skal sendast skriftleg til kommunen. I klagen skal det gå fram kva det vert klaga på i vedtaket, og kva endringar ein ønskjer. Klagen skal grunngjevast.

Før det kan reisast søksmål om vedtaket er gyldig eller krav om erstatning, må høve til å klage på vedtaket vere nytta fullt ut, jf. fvl. § 27b.

Ved all vidare kontakt i denne saka, ver venleg og referer til saksnr 23/512.

Med vennleg helsing
Alver kommune, Landbruk

Laila Bjørge
Avdelingsleiar

Marie Victoria Rekdal Skogrand
Sakshandsamar

Dette dokumentet er elektronisk godkjent og har difor ingen signatur.

Mottakarar:

Berit Margrethe Våge

Håtuftvegen 191

5919

Frekhaug